

**ያኑሲ ማዶም ዳኪንቴ ጳውሎስ ለሚ ዳኬ ኪኢቶ**  
**ዲሞቴዎሴም**  
**ዓይያ ካሮ**

ሃይ፡ ጳውሎስ ዲሞቴዎሴም ፃኣፔ ለምዓሳ ኪኢታ፡- ዒዛኮ ደማ ማዒ፡ ዋላ ማዳያ ማዔ፡ ደጌህ፡ ዲሞቴዎሴም ባሼ ዘሮ ዘራያኬ። ሚርጌና ዒ ዘሬህ ጊቢ ዳንዳዒህ ዛላኬ፤ ዲሞቴዎሴ ዘሪንቴህ ዬሱስ ኪሪስቶስ ዛሎ ጉሙርቁንቲ ማርካዳንዳጉዲ፡ ኪሪስቶስ ዛሎ ኮዦ ሃይሶና ሚናኣ ጫኣቃህ ማፃኣፓ ዔርዛ ባኮ ኮሺ ደዲ ዒ ዓርቃንዳጉዲና ዋዚ ሜቶና ዒዲንቲና ሚርጌቶዋ ያኑሲ ቃኣሎ ዔርዚያና ኮዦ ሃይሶ ኬኤዚያ ማዶዋ ደዲ ማዳንዳጉዲኬ።

ዲሞቴዎሴም ባሼና ላቲ ኬኤዚንቴ ባካ ዔኤያቶና ፓሠዋ ማርሚህናይዳፓ ሃካንዳጉዲኬ፤ ዓይጎሮ ጌዔቴ ዬያጉዴ ባኣዚ ዋይዛ ዓሶ ባይዚህዳፓ ዓታዛ ሜሌ ማኣዳ ባኣዚ ባኣሴ።

ዬያ ቢያና ዲሞቴዎሴ ማላንዳያ ኮይሴህ ጳውሎሴኮ ናንጋ ዋማዲ ማዔቴያ፡ ጌይያ፡- ዒዛኮ ያኑሲ ጉሙርቁያ፡ ጊቢ ዳንዳዒያ፡ ናሹሞ፡ ደዲሞና ዒዲ ዳኪንቴያና ሃህ ዒዛ ሄሌ ሜታህ ዒ ማላታ ማሂ ናንጋንዳጉዲኬ።

**ማፃኣፔላ ዲማ ዲማ ዓርቁ ባኮ**

ዓይያ ካሮ (1:1-2)

ጳውሎስ ጋላቴ ጋላቶና ዘሬ ዘሮ (1:3—2:13)

ዲሞቴዎሴ ማዳንዳጉዲ ዓይህንቴ ባኮና ላቲ ኬኤዚንቴ ባኮ (2:14—4:5)

ጳውሎስ ዒ ዓኣ ጎይያ ኬኤዚህ (4:6-18)

ጋፒንህ ሃይሴ (4:19-22)

1 ዬሱስ ኪሪስቶስና ጴጌ ናንጎኮ ሃጊ ማዓንዳ ዋዞ ጎይያ ያኑሲ ማላህና ዬሱስ ኪሪስቶስ ማዶም ዳኪንቴያ ማዔ፡ ጳውሎሴይዳፓ ዳኪንቴ ኪኢታ፡-

2 ታኣኒ ናሽካ ናዓህ፡ ዲሞቴዎሴም፤

ያኑሲ፡ ዓዳህና ኑ ጎዳህ፡ ዬሱስ ኪሪስቶስኮ ኮሹሞ ዒንጊያና ማኣሪያና ሃህ ዋዞና ኬኤም ማፃንጎ።

**ዲሞቴዎሴም ዘርና ዘር**

3 ቢያ ዎዴ ዋንቴና ሮኦሪና ኔ ዛሎ ማሊ ማሊ ታ ሺኢቃኣና ቤርታኣ፡ ታ ዓደንሢጉዲ ጌኤሺ ዒናፓ ታ ካኣሽካ ያኦዛሢ ታ ጋላታኔ። 4 ኔ ዩኤኪ ዓቢቲ ዓቢያ ታ ዋሊባኣሴ፤ ዩያር ሚርጌና ዒና ታኣኮ ዎዛዳንዳጉዲ ኔና ዛጋኒ ታ ኮዓኔ። 5 ኔኤኮ ዓኣ ጎኔ፡ ያኦሲ ጉሙርቂያ ታ ጸቂሣኔ፤ ዩያጉዴ ጉሙርቂያ ቤርታ ኔ ዓሆ ሎይዴይዳ ሃሃ ኔ ዒንዶ ዒዌንቄይዳ ዓኣያኮ፤ ሃሢ ኔኤኮዎ ዩያጉዲ ዓኣሢ ታ ዔሬኔ። 6 ዩያር ታ ኔ ዑፃ ኩጮ ጌሣም ኔ ዔኮ፡ ኔ ጊዳ ዓኣ ያኦሲኮ ዒንጊያ ማዶይዳ ፔኤሺ ኔ ዲቻንዳጉዲ ታ ኔኤም ከኤዛኔ። 7 ዓይጎር ጌዔቴ ያኦሲ ኦም ዒንጌሢ ዎልቁንታ ናሹሞንታ ዒንጋያ፤ ሃሃ ኦና ኦ ዔሪ ዎይሣንዳ ዓያና ማዓንዳኣፓዓቴም ዒጊቹሞ ዓያናቱሞ።

8 ዓካሪ ኦ ጎዳሢ ዛሎ ዓሶም ማርካዳኒ ሴልቂፖ፤ ሃሃ ዒዛ ዛሎር ቱኡቲ፡ ታ ዛሎርዎ ሴልቂፖ፤ ያኦሲ ኔኤም ዒንጋ ዎልቆና ኮኸ ሃይሶ ዛሎር ታኣና ዎላ ሜታዳ። 9 ዒዚ ኦኡኒ ማዶ ኮኸ ማዶርቱዋንቴ ፔ ማሊያና ፔኤኮ ኮሹሞ ዒንጊያና ዳቂሺ፡ ያኦሲም ዲማዳያ ማዒ ናንጋንዳጉዲ ኦና ዔኤሌኔ፤ ዩያ ኮሹሞ ዒንጊያ ሚርጌ ዎዴኮ ቤርታ ዩሱሰ ኪሪሰቶሴ ዛሎና ኦም ዓንጌኔ። 10 ዩይ ያኦሲኮ ኮሹሞ ዒንጊያ ኦና ዳቂሺ፡ ዩሱሰ ኪሪሰቶኮ ሙኪያና ሃሢ ፔጋዲ ዔርቴኔ። ዒዚ ሃይቢኮ ዎልቂ ባይዚ ኮኸ ሃይሶ ዛሎና ሃይቢባኣ፡ ናንጊና ናንጊ ኦም ዳዌኔ።

11 ታኣኒያ ዩያ ኮኸ ሃይሶ ከኤዛያ፤ ዩያ ማዶም ዳከንቴያ ሃሃ ዔርዛያ ማዒ ደኦሪንቴኔ። 12 ሃያ ታ ሜታሢ ዔካሢ ዩያርከ፤ ጋዓንቴ ታኣኒ ሃያ ሜቶ ዔኪያና ሴልቂሞሴ፤ ዓይጎር ጌዔቴ ያና ጉሙርቃቴያ ታ ዔራኔ፤ ታ ዒዛም ሃዳርሲ ዒንጌ ባኮ ዩዳ ከሎ ሄላንዳኣና ዒ ካፓኒ ዳንዳዓሢ ታ ጉሙርቃኔ። 13 ታ ጊዳፓ ኔ ዎይዚ ዔሬ ቃኣሎ ማላታ ማሂ ዩሱሰ ኪሪሰቶሴና ኦኡኮ ዓኣ ፔቱሞ ዛሎና ጴዳ ጉሙርቂያና ኮሹሞና ደዲሺ ዓርቁ። 14 ኦ ጊዳ ዓኣ ዓያና ጌኤኸ ዛሎና ኔና ጉሙርቂ ኔኤም ዒንጊንቴ ባኮ ካፔ።

15 ዒሲያይዳ ዓኣ ዓሳ ቢያ ታና ሃሹሢ ኔ ዔራኔ፤ ዔያቶ ባኣካ ፔጌሎሴና ሄርሞጌኔሴና ዓኣኔ። 16 ጎዳ ያኔሰፖሪ ማኣር ዓሶ ማኣደንጎ፤ ዓይጎር ጌዔቴ ዔያታ ሚርጌ ዎዴ ታና ያኦጪ ደዲሹኔ፤ ሃሃ ታ ቱኪንቴሢር ሙኪ ታና ያኦጪ ያዎ ሴልቂ ሃሺባኣሴ። 17 ዒዚ ሮሜ ዓጮ ሙካያ ሚርጌና ኮይ ታና ዴንቄኔ፤ 18 ጋፒንያ ከሎና ጎዳ ዒዛም ኮሺ ማዶንጎ፤ ቤርታ ታ ዔፕሶኔይዳ ዓኣና ዒ ዎማይዲ ታኣም ማዶቴያ ኔ ኮሺ ዔራኔ።

---

1:5 1:5 ዳኪ. ማዶ 16:1። 1:11 1:11 1፻፱. 2:7።

# 2

## ኪሪሰቶስ ማዶ ዛሎ የልታ ዓሲ ማረሃ

1 ዓካሪ ታ ናረሃዮ! ዩሱስ ኪሪሰቶስ ዛሎና ጴዳ ኮሹዋ ቢንገዳና ደዴ። 2 ሚርጌ ማርካ ማዓ ዓሶ ቤርታ ታጊዳፓ ኔ ዋይዚ፣ ዔሬ ዔራቶ ማሌ ዓሲ ዔርዘኒ ዳንዳዓያ፤ ሃሃ ጉሙርቁንታ ዓሲም ሃዳርሲ ቢንጌ።

3 ኔኔኒ ዩሱስ ኪሪሰቶስኮ ማዶ ዛሎ የልታ ጉሙርቁንታ ዓሲ ማዓ፣ ማታሃ ኦኡና ዋላ ጊቢ ዳንዳዔ። 4 ፖኦሊሴ ማዔ ዓሲ ፖኦሊሶ ዓይሃሃ ዋዛሳያ ማዓኒ ጊኢጌያ ማዓንዳኦፓዓቲም ፖኦሊሴም ኮይሱዋ ባኣዚዳ ጌሉዋሴ። 5 ዩያጉዲ ሃሃ ጳሺ ጳሽካ ዓሲ ዓይሃንታ ጎይያማ ጳሽኪባኣያታቲ ጳኩና ባሺ ዳንቆ ባኮ ዔኩዋሴ። 6 ደዲ ጎሽካ ዓሃ ሃኣኮ ካዲሲ ሙዓ ዓሶይዳፓ ቤርታዳሃ ማዓንዳያ ኮይሳኔ። 7 ጎዳሃ ቢያ ባኣዚና ጳቂሥሃ ማላሃ ኔኤም ቢንገንዳሃረ ታ ኔኤም ጋዓ ባኮ ቢያ ዓረ ዔኩ።

8 ሃይባፓ ዔቁሃ፤ ሃሃ ደውቲ ዜርፃሃ ማዔ፣ ዩሱስ ኪሪሰቶስ ማሌ፤ ታኣኒ ኬኤዛ ኮኩ ሃይሳ ዩያኬ። 9 ዩያ ኮኩ ሃይሶ ኬኤዚያ ዛሎና ፑርቲሴ ዓሲጉዲ ቱኡቲ ማቶ ታ ሃሃ ዔካኔ፤ ያኦሲኮ ቃኣላ ጋዓንቲ ቱኡቲዋሴ። 10 ዩያር ዔያታ ዩሱስ ኪሪሰቶስ ዛሎና ጴዳ ዳቁንቶና ናንጊና ናንጋ ቦንቾ ዳንቃንዳጉዲ ሃሃ ያኦሲ ደኦሬ ዓሶር ጌዒ ቢያ ባኣዚ ታ ዳንዳዓኔ።

11 «ዒዛና ዋላ ኦ ሃይቁቶ

ዒዛና ናንጊና ኦ ናንጋንዳኔ።

12 ጊቢ ዳንዳዒሃና ደዴያ ኦ ማዔቲ

ዒዛና ዋላ ኦ ካኣታዳንዳኔ።

ዒዛ ኦ <ዔሩዋሴ> ጌዔቲ ዒዚያ ኦና <ዔሩዋሴ> ጋዓንዳኔ።

13 ኦኡኒ ጉሙርቁንቲዋያ ማዔቲ

ዒዚ ፔና <ዔሩዋሴ> ጋዓኒ ዳንዳዐ-ዋኣሃረ ጉሙርቁንታያ

ማዒ ናንጋንዳኔ»

ጋዓ ቃኣላ ጎናዲ ዔርቲያኬ።

## ያኦሲ ባኣዚ ደዲ ማዳ ዓሲ

14 ሃያ ባኮ ዔያቶም ኮሺ ኬኤዜ፤ ዩይያ፡- ጌይንቲ ባኣዚዳ ዔያታ ማርሚ ሺሩዋጉዲ ያኦሲ ማርካ ማሃ ዔያቶም ላቲ ኬኤዜ፤ ዓይጎር ጌዔቲ ዩይ ማርማሃ ዋይዛ ዓሶ ባባይዛፓዓቲም ዓይጎዋ ማኣዲዋሴ። 15 ጎኔ ያኦሲ ቃኣሎ ፒዜ ዔርዘያ፣ ማዳ ማዶናኣ ቦርሲንቲዋ ዓሲ፤ ሃሃ ዔርቲ ማዳ ዓሲ ማዒ ኔና ያኦሲ ቤርቶ

2:12 2:12 ማቲ. 10:33፤ ሉቃ. 12:9፤ ፓይ. ማፃ 16:5።

ሸኢሻኒ ደዴ። 16 ሃያ ዓጮ ባአዚ መዔያ፣ ሃሣ ጉሪ ጌሰቲ ሸር ጌኤዛ፣ ሃኬ፤ ዓይጎር ጌዔቲ ይያጉዳ ሃይሳ ዓሲ ያኦሲዳ፣ ሃከሳሣርኬ። 17 ዔያቶኮ ጌኤዛ ፓፀብ ከሣጉዲ ያየርሳታያኬ፤ ዔያቶ ባአካ ሃሚኔዎሴና ፒሊያሴና ዓአኔ። 18 ዩንሢ ዓሳ፡- «ሃይቄ ዓሰኮ ሃይባ፣ ዔቁፃ ቤርታ ማዒ ጋፔኔ» ጌይ ጌይ ማርሚሢና ጎኩሞ ጎይፃ፣ ደብንቲ ኬሰኪ ፔቲ ፔቲ ዓሰኮብ ጉሙርቁፃ ዣኦሲሳኔ። 19 ያዒ ማዔቲያ፡- «ጎዳ ፔኤም ማዔዘንሢ ዔራኔ» ይያጉዲ ሃሣ፡- «ጎዳ ማአደም ዔኤላ ዓሲ ቢያ ፑርታ ባአዚዳ፣ ሃኮንጎ» ጋዓ ማላታ ዓይሢንቲ ዓአ፡ ዓገፀብ ያኦሲ ዔቁሴ ቦኦኮላሢ ዔቁ ዓአ ጎይሣኬ።

20 ፔቲ ዴኤፒ ማአሪዳ ዎርቄና ቢራ ዓንገናይዳ፣ ኮሺንቲ ሜሄ ሌሊ ዓአያቱዎንቲ ሚሢና ዓጨናይዳ፣ ኮሺንቲ ሜሄያ ዓአኔ። ይያቶይዳ፣ ዛላ ቦንቲንታ ማደም ማዓያ፤ ዛላ ገንሣ ደካ ማደም ኮይሳያኬ። 21 ዓካሪ ያኦኒያ ፔ ቶኦኮ ዩንሢ ፑርቶ ባኮንሢዳ፣ ጌኤሺ ካፔቶ ቦንቻ ማደም ማዔያ፣ ያኦሲም ደማዴያ፣ ፔ ጎዳሢ ማአ ኮይሳያ ሃሣ ኮሺ ማደም ቢያ ገኢጌ ሜሄ ማዓንዳኔ።

22 ፑርታ ማዔ፣ ዴጋቶ ሱኩኬይዳ፣ ሃኬ፤ ጌኤሺ ዒኔና ጎዳ ካአሽካ ዓሰና ዎላ ማዒ ያሉሞ፣ ያኦሲ ጉሙርቁሢ፣ ናሹሞንታ ኮሹሞንታ ዓአያ ማዒ ናንጌ። 23 ዑራ ማዣሢ ዔሪ ዔኤያቶ ጌኤዘና ፓሡብ ማርሚሢና ሃሹ። 24 ጎዳ ዩሱሴም ማደ ዓሲ፡- ቢያ ዓሲም ሹሌዔ፣ ዓሲ ዔርዛኒ ዳንዳዓያ ሃሣ ዔኤቢ ገቢ ዳንዳዓያ ማዓንዳኦ፣ ዓቲም ዑራዳንዳያ ኮይሱሞ፤ 25 ጎኩሞ ዔያታ ዔራንዳጉዲ ያኦሲ ዔያቶም ጎሞ ጎያንቲ ዓቶም ጋዓንዳያ ናንዳኔ ጌዒ ዒዛ ዒፃ ፑርቶ ዓሰ ሹሌዑሞና ፒዚሳያ ማዓኒ ኮይሳኔ። 26 ዩያይዴቲ ዔያቶኮ ዒና ማዔም፣ ፃላሃ ፔ ማሊያ ዔያታ ከንሣንዳጉዲ ዔያቶ ዓይሢ ፒራሢዳ፣ ዔያታ ቶላንዳኔ።

### 3

#### ጋፒንፃ ዎደና ማዓንዳ ፑርቶ ባኮ

1 ጋፒንፃ ዑካኣና ሜታሳ ዎዴ ዩዓንዳሢ ዔራ፤ 2 ዓሲ ፔና ናሽካያ፣ ሚኢሹር ጎጋይቃያ፣ ሄርሽንታያ፣ ያቶርቃያ፣ ጫሽኪንታያ፣ ሾዔ ዓሰም ዓይሢንቱዎያ፣ ኮሺ ማደና ዛላም ማሃ ማሉዎያ፣ ጌኤሹሞባአ ዓሲ፣ 3 ናሹሞባአ ዓሲ፣ ዓሲና ዎላ ገኢጋኒ ኮዑብ ዓሲ፣ ዓሲ ደንካያ፣ ፔና ዔሪ ዎይሡዎያ፣ ዓሲ ሚጨንቱዎያ፣ ኮሺ ማዔ ባአዚ ቢያ ዒፃያ፣ 4 ጉሙርቁንቱዎ ዓሲ፣ ዔኤቢ ዔሩዎ፣ ሩኩራያ፣ ጉሪ ሆኦሊንታያ፣ ያኦሲዳ፣ ባሹ ፔኤም ኮሽካ ባአዚ ናሽካያ ማዓንዳኔ። 5 ያኦሲ ጎኔ ካአሽካያ ማላያ ጎኔ ካአኮኮ ዎልቆ ጉሙርቁዎያ ማዓንዳኔ፤

ዬያጉዴ ዓሳጥ ሃኩ። 6 ዬያጉ ዓሳ ዓሳኩ ማእሪ ዔርቱዎ ጎይሢና ጌሊ ጌሊ ሚርጌ ጎሜ ማዳያ ሃሃ ደማ ደማ ፑርታ ሱኡኬና ናንጋ፣ ዓያና ላቤ ላኦሎ ደቢሻ ዓሳኬ፤ 7 ዬያጉዴ ላኦሎ ቢያ ዎዴ ዔርዘኔ፤ ጋንጉቴ ጎኑሞ ዔያጉ ዔራኒ ማሊ ዳንዳዑዎያኬ። 8 ዲያኔሴና ዲያምቤሬሴ ጎዎዞንሢ ሙሴ ዲዲ ማኬሢ ጎይዎ ዬንሢ ዓሳ ማሊዎ ዔያቶኮ ፑርቱያ ሃሃ ያኦሲ ጉሙርቂዎ ዘሎና ደቢንቴያ ማዔሢሮ ጎኑሞ ዔያጉ ዲዲ ማካኔ። 9 ዲያኔሴና ዲያምቤሬሴናኮ ዔኤያታ ፔጋዲ ዔርቱሢጉዲ ዬንሢ ዓሳኮዎ ዔኤያታ ዓሳ ቢያ ቤርታ ፔጋዲ ዔርታንዳሢሮ ዔያቶም ገኢጋዓኬ።

**ጳውሎሴ ጊሞቴዎሴም ላቲ ኬኤዜ ባኮ**

10 ኔኤኒ ጋንጉቴ ታኦኮ ዔርዚያ፣ ታ ናንጌ ናንጎ፣ ታ ማላ ማሊያ፣ ያኦሲ ጉሙርቂዎ፣ ገቢ ዳንዳዒያ፣ ናሹሞና ደዲሞና ዘገ ዔሬኔ፤ 11 ዬያጉዲ ሃሃ ዲዲንቴ ታ ደውሲንቴ ዎደና ታኦና ዎላ ሜታሢያ ኔ ዔኬኔ፤ ዓንጎኪያና ዲቆኒዮና ሊሰደራናይዳ ታና ሄሌ ባኮና ገቢ ታ ዓኣሢ ዳውሲንቴያ ኔ ዔራኔ፤ ጎዳ ጋንጉቴ ዬያ ቢያይዳገ ታና ዳቂሼኔ። 12 ዬሱሰ ኪሪሰቶሴ ገንዎ ሃንታያ ማዒ ዓያና ናንገ ናንጋኒ ኮዓዞንሢ ቢያ ዲዲንቴ ዳውሲንታኔ። 13 ፑርቶ ዓሳና ጌሻ ዓሳና ጋንጉቴ ዓሳ ደቢሻ ደቢሻ፣ ሃሃ ፔ ቶኦኮዎ ደቢንቴ ፑርቱምይዳ ፑርቱም ቃሲ ቃሲ ዳንዳኔ። 14 ኔኤኒ ጋንጉቴ ዎይዜሢና ዔሬ ጎኑሞና ደዴ፤ ዓይጎር ጌዔቴ ኔኤኒ ዬያ ዎ ገዳገ ዔኬቴያ ዔራሢሮኬ። 15 ጌኤኮ ማፃኦግ ናኦቶገ ዓርቂ ኔ ዔሬኔ፤ ዬንሢ ጌኤኮ ማፃኦግንሢ፡- ዬሱሰ ኪሪሰቶሴ ጉሙርቂዎና ጳዳ፣ ዳቂንታ ባንሢ ሄሊሳኒ ዳንዳዒ ዔራቶ ዓኣዞንሢ። 16 ጌኤኮ ማፃኦገ ቢያ ያኦሲ ዓያና ማሊሴም ፃኦፐንቴያኬ፤ ዬይያ፡- ጎኑሞ ዔርዘኒ፣ ደቢንቴ ዓሳ ዘራኒ፣ ደቢንቶዎ ገኢገሻኒና ፒዜ ናንገም ኮይሳ ማሊሢ ዲንጋኒ ማኦዳያኬ። 17 ማኦዳ ጎይዎ ያኦሲ ዓሳ ኮሺ ማደም ቢያ ገዳያ ማዒ ጳዳንዳጉዲ ማሃያናኬ።

**4**

1 ያኦሲ ሃሃ ሸምግና ዓኣ ዓሳና ሃይቁ ዓሳና ዑዎ ዎጋኒ፣ ካኦቲ ማዒያ ዎይሢሢ ሙኪ ጳዳንዳ ዬሱሰ ኪሪሰቶሴ ማርካ ማሂ ታ ኔና ሺኢቃኔ፤ 2 ያኦሲ ቃኦሎ ኬኤዜ፤ ገኢጌቴያ ገኢገባኦቴያ ደዲ ማዴ፤ ዓሳም ኬኤዚ ኬኤዚ ሃሃ ጎሪ ጎሪ፣ ዘሪ ዘሪ፣ ገቢ ዳንዳዒሢና ዬያጉዲ ቃኦሎ ዔርዚሢሢና ደዴ። 3 ዓይጎር ጌዔቴ ዓሳ ያኦሲ ቃኦሎ

---

3:8 3:8 ኬሲ. ማፃ 7:11። 3:11 3:11 ዳኪ. ማዶ 13:14-52፤ 14:1-7፤8-20።

ወይዘ ዓካሄ ኮዑዎ ወደ ሙካንዳሢሮኬ፤ ጋዓንቴ ዓሳ ዔያቶ ናሻ ሃይሱ። ሃሣ ዔያታ ወይዘህ ኮዓ ሃይሱ ከኤዛንዳ ፔኤኮ ዔርዛ ዓሲ ቡኩሳንዳ። 4 ዔያታ ጎኔ ባኣዚ ወይዘህ ዒዳ። ጉሪ ሃይሱ ወይዘህ ናሽካንዳ። 5 ኔኤኒ ጋዓንቴ ቢያ ባኣዚ ዔሪ ካፒንቴ ናንጌ፤ ኔ ጊዳ ሙካ ሜቶዎ ገቢ ዳንዳዔ፤ ሃሣ ኮዥ ሃይሱ ከኤዚያ ማደዎ ደዲ ማዳ፤ ያኦሲም ኔ ማዳ ዓሲ ማዔ ጎይዖና ኔ ማዳኒ ኮይሳ ባኮ ቢያ ማዲ ኩንሢ።

6 ታኣኒ ጋዓንቴ ያኦሲም ዒንጎ ባኣዚ ማዒ ዒንገንታኒ ዑኬኔ፤ ሃያ ዓጮይዳፓ ዲማዲ ታ ዓኣዳንዳ ዎዳ ሂሌኔ፤ 7 ያኦሲ ጉሙርቂዎ ዛሎና ዓኣ ያሎ ሚርጌና ታ ያልቴኔ፤ ጳዥዎ ጋፒንያ ሄላንዳኣና ታ ጳሽኬኔ፤ ሃሣ ያኦሲ ጉሙርቂዎ ካኣዥዎ ታ ካፔኔ። 8 ዓካሪ ዲሎ ማዒ ናንጌሢሮ ዒንገንታ ካኣቶኮ ቶኦካ ዓጎሢጉይ ቦንቾ ባካ ታኣም ገኢገንቴታና ካፓንዳኔ፤ ዬያ ባኮ ፒዜ ዎጋያ ማዔ ጎዳሢ ዬኖ ኬሎና ታኣም ዒንጋንዳኔ፤ ዬይ ታኣም ሌሊቱዎንቴ ዒዛኮ ሙከ ዲዲያ ጳቂሢ ካፓዞንሢም ቢያ ዒንገንታንዳ።

**ጳውሎስ ፔ ዛሎ ዲሞቴዎስም ከኤዜሢሢ**

9 ኔ ታ ኮይላ ዑኬ ሙከቴ ቃራኬ፤ 10 ዴማሴ ሃያ ዓጮ ናንጎ ናሽከ። ታና ሃሽ። ቴሰሎንቄ ዓኣዳ። ታ ኮይላፓ ቁርቂሴ ጋላቴያ፤ ሃሣ ቲቶ ዲልማዲያ ዓኣዳ። 11 ታ ኮይላ ሃሢ ዓኣሢ ሉቃሴ ሌሊኬ። ማርቆሴ ማደዎ ታኣም ኮይሳያታሢሮ ኔኤና ዎላ ዒዛ ዔከ ሙከ። 12 ቲከቆሴ ዔፕሶኔ ታ ዳኬ። 13 ኔኤኒ ሙካዎ ዲሮዒይይዳ ካርፑሴ ጎዎሢ ኮይላ ታ ሃሽ ዓኣዳ ታኣኮ ዴኤፖ ኮኦቶና ማሪንቴ ማፃኣፖዎ ባሽ ቢራኖ ማፃኣፖ \* ዎሉዎዎ ዔከ ሙከ።

14 ዒሰከንዲሮሴ ጎዎ ገታሢ ፑርታ ማደ ታኣም ማዳ፤ ጎዳ ዒ ማዳ ማደጉዴያ ዒዛም ዒንጋንዳ። 15 ዒዚ ኦ ከኤዛ ኮዥ ሃይሱ ዒዳ፤ ማኬሢሮ ኔኤኒ ዒዛ ዔሪ ካፒንቴ።

16 ታና ዎጌና ዓርቂሴ ባኮር ቤርታሲ ጌኤዞ ማሂያ ከኤዛኒ ታ ሺኢኬ ዎድና ቢያሢ ታ ጊዳፓ ዲማዴያፓዓቴም ያኣኒያ ታኣና ዎላ

**4:10** 4:10 ቆላ. 4:14፤ ፒልሞ. 24፤ 2ቆሮ. 8:23፤ ጋላ. 2:3፤ ቲቶ 1:4። **4:11** 4:11 ቆላ. 4:14፤ ፒልሞ. 24፤ ዳኪ. ማዳ 12:12፤25፤ 13:13፤ 15:37-39፤ ቆላ. 4:10።

**4:12** 4:12 ዳኪ. ማዳ 20:4፤ ዔፕ. 6:21-22፤ ቆላ. 4:7-8። \* **4:13** 4:13 ማሪንቴ ማፃኣፖና ቢራኖ ማፃኣፖ፡- ጋዓሢ ዬኖ ዎድና ማፃኣፓ ፃኣፒንታሢ ዬኖ ባኮይዳኬ፤ ማሪንቴ ማፃኣፓ «ፓፕሪሴ» ጎዎ ሚያኮ ቁኤሪፓ ኮሾያ ማዓዛ ቢራና ጌይንታሢ ዒልዳዳፓ ኮሾያኬ።

**4:13** 4:13 ዳኪ. ማዳ 20:6። **4:14** 4:14 1ዲሞ. 1:20፤ ዓይኦ. 62:12፤ ሮሜ 2:6።

ማዒ ታና ማእዴ ዓሲ ባኣሴ። ዬያ ያኦሲ ዔያቶኮ ዳቢንቲ ማሂ ዓርቆፓ። 17 ንዓንቲ ኮኸ ሃይሳ ታ ዛሎና ጉቤ ከኤዚንታንዳጉዲና ዓይሁዴ ማዒባኣ ዓሳ ዋይዛንዳጉዲ ጎዳ ታኣና ዋላ ማዒ ታና ደዲሼኔ፤ ሃሃ ዘቦ ዳንጋፓኣ ታና ዳቂሼኔ። 18 ጎዳ ዓይጎዋ ማዖም ፑርታ ባኣዚዳፓ ቢያ ታና ዳቂሻንዳኔ፤ ጫሪንጫ ዓኣ ዒዛኮ ካኣቱሞይዳኣ ታና ዒ ጌልዛንዳኔ፤ ዒዛም ናንጊና ቦንቾ ማዖንጎ፤ ዓኣሜን።

**ንጉንሢ ሳራሥሢ**

19 ጲሪሰቂላና ዓቂላናም፤ ሃሃ ያኔሰፖሬ ማኣሮ ዓሶም «ኮሺዳ?» ጌዔኔ፣ ጌዔ። 20 ዔራሰያሴ ቆሮንቶሴይዳ ዓቴኔ፤ ዲሮፐሞሴ ሃርጊንቲሢሢሮ ሚሊዲዳ ታ ዒዛ ሃሼኔ። 21 ባርጎ ዋዳ ሄሉዋንቲ ታ ኮይላ ኔ ሙኬቲ ቃራኬ።

ዔውቡሉሴ፣ ጲዴሴ፣ ሊኖሴ፣ ቂላውዲያና ሃሃ ኪሪሰቶሴ ጉሙርቃ ዓሳ ቢያ «ኮሺዳ?» ኔና ንዓኔ።

22 ጎዳ ኔኤና ዋላ ማዖንጎ፤ ያኦሲኮ ኮሹሞ ዒንጊፃ ኔኤም ማዖንጎ።

---

**4:19** 4:19 ዳኪ. ማዶ 18:2፤ 2ዲሞ. 1:16-17። **4:20** 4:20 ዳኪ. ማዶ 19:22፤ ሮሜ 16:23፤ ዳኪ. ማዶ 20:4፤ 21:29።

**ጌሌዥ ማግኔግ**  
**The Holy Bible in the Maale language of Ethiopia,**  
**using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌሌዥ ማግኔግ**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929